

翠微南征錄

四部叢刊三編集部

上海涵芬樓影印舊
鈔本原書葉心高十
九公分寬十四公分

翠微南征錄卷之一

書



開禧元年四月二十七日上

皇帝書

四月吉日 國學發解進士臣華岳謹熏沐百拜裁
書獻于

皇帝陛下臣聞職諫諍而不言有罪非諫諍而輒言
有誅臣以一介草茅誤叨

教養非敢僭以求狂妄之誅誠以天下之大變將形
國家之大福將至有職守者不敢言 無職守者不

敢僭臣于此時不能割露肺肝控告 若父則不忠之
罪不惟不逃而臣之身首將異其處雖有粟烏得而
食諸臣自旬月以來都城士民徬徨相顧若將喪其
室家諸軍老小隱哭含悲若將驅之水火闔閭藉
欲語復噤駭于傳聞莫曉所謂臣徐考其所自則侍
衛之兵日夜潛發樞機之遞星火交馳戎作之後倍
于平時郵傳之程兼于疇昔乃知

陛下將有事于北征而為軍若民皆如是之皇也
臣嘗聞之夷狄之于中國猶盜賊之于四民螟蟲之
于五穀可謂不容並立矣士生斯時正冠履之分雪

祖宗之仇掃山陵歸宗社所當講也然臣考之天時
按之人事蓋有大不然何者古之為夷狄者一今之
為夷狄者五古之為中國者一今之為中國者三何
夷狄中國之皆多于古也夫侂冑以后族之親位居
極品專執權柄公取賄賂蓄養無籍吏僕委以腹心
賣名器私爵賞睥睨神器窺覷宗社日益炎、不敢
嚮迹此夷狄之居吾腹心者也 以庸瑣之資請
姻師且驟入政府 以諛佞之資所附侂冑致身
顯貴陳自強老不知恥貪不知止私植黨羽陰結門
第凡見諸行事惟知趨承侂冑一人而君父之

不知有以保正耆長之材而鈞衡天下鼎鼐四海此
夷狄之居吾股肱者也與奕汝翼諸李之貪懦無謀
倪僂倬果諸郭之膏粱無用諸吳之恃寵僭專彭
之庸孱不肖皇甫斌魏友諒毛致通秦世輔之彫瘵
軍心瘡痍士氣以至陳孝慶夏興祖商榮田俊邁之
徒皆以一卒之材各得把麾專制平日剜膏刻血苞
苴侂胄以致通顯飢寒之士咸願食其肉而不可得
萬一

陛下付以大事彼之首領自不可保奚暇為
陛下計哉此夷狄之居吾爪牙者也
之納妾求

知 之售妹入府 之獻妻求閤 之

貢子為郎 之阿諛僕隸 之甘心鷹犬

之庸駕充位 之奴事姦惡 之生

事迎合 之私立異議此夷狄之居吾

耳目者也蘇師旦以穢吏冒節鉞牙僧名爵周筠以

隸卒冒戎鈴市易將相此夷狄之扼吾咽喉者也吾

之腹心吾之股肱吾之爪牙吾之耳目吾之咽喉而

無非夷狄則彼之所謂夷狄者實未足憂而此之夷

狄蓋已周吾一身之間矣詎可捨吾身之夷狄而徒

事于遠鄙之夷狄耶禮樂征伐自天子出所貴乎中

國者皆聽命于

陛下也今也予奪之命黜陟之權又不出于

陛下而出于侂冑是吾有二中國也命又不出於侂
冑而出于蘓師旦周筠是吾有三中國也夫虜人以
一夷狄而猶能據吾之中原曾謂其有五夷狄而不
能感吾之元氣乎虜人以區區閼河之地猶能逼我
淮漢曾謂夷狄之居吾腹心居吾股肱居吾爪牙居
吾耳目居吾咽喉而不憑陵吾之宗廟社稷乎以一
中國而撫四夷猶曰不可曾謂一家之中自為吳越
一舟之中自為敵國而能外制夷狄乎比年以來軍

皆倍克而士卒自仇其將佐民皆侵漁而百姓自叛
其守令家自為爭人自為戰此又啟吾國中億萬之
夷狄也今

陛下不務去吾腹心股肱爪牙耳日咽喉与夫億萬
之夷狄而欲空國之師竭國之財而与遠夷外戎相
從于血刃相塗之地顧不外用其心欽臣自非角以
未推衍三式之書自去歲上元甲子五福太乙初度
吳分四神直符對照荆楚始擊蜚符旁臨甌越青門
直使交次于幽薊黑殺黃道三按于燕趙考之成法
主筭最長客筭最短兵以先發為客後應為主自太

歲乙丑至丙寅丁卯戊辰己巳庚午六年之間皆不利于先舉僅其叛盟犯義撓我疆場至于事不獲已然後應之則反主為客猶曰庶幾萬一國家自首其事自倡其謀則將帥內睽士卒外叛塗炭萬民血刃千里其為應驗速若影響此天數之不利于先舉也億萬之夷狄萃乎吾之國五者之夷狄周乎吾之身將帥庸愚軍民怨懟馬政不講騎士不熟豪傑不出英雄不收餽糧不豐形便不因山寨不修堡壘不設吾雖帶甲百萬運糧千里而師出無功不戰自敗矣此人事之不利于先舉也湯武革命應天順人黃

帝征伐天時人事臣願

陛下誅吾腹心股肱爪牙耳目咽喉之夷狄盡其群
黨而勿疑其濫異其身首而勿疑其慘吾國中之夷
狄既已誅矣然後公道開明正人登用法令自行紀
綱自正豪傑自歸英雄自附侵疆自還中原自復天
下自底于和平四海自濟于仁壽何俟乎兵革哉不
然則亂臣賊子毀冕裂冠哦九錫隆恩之詩恃貴不
可言之相私妾內姬陰臣將相魚肉將士塗炭生靈
墜百世之遠罔虧十廟之遺業

陛下于此雖欲不与之偕亡則禍迫于身權出于人

俛首待終何臍可噬事之未然難以取信臣願以身
屬之廷尉待其行軍用師勞還奏凱則馘臣之首風
逆四方以為天下欺君罔上之戒儻或干戈相尋敗
亡相繼夷狄外攻姦臣內叛與臣所言盡相符契然
後令臣歸老田里永為不齒之民實出

天地父母生成之賜干冒

天威罪當萬死不備 岳百拜

翠微南征錄卷之一

翠微南征錄卷之二

古風

歸釣吟

我生本是絲綸客嘗把絲綸釣王國膠庠雖識姚有
虞載車未遇周西伯抱琴歸去古江邊江頭風月犹
依然江風刮岸、如削江月照人、未眠沙平浪靜
江天闊換酒投魚、撥刺有時醉梳和月吞有時醉棹
和烟撥或唱歌或吹笛款乃宮商人不識歌聲喚微烟
水寒笛聲清透雲霄碧不張帆任渠去、到雲山深
處住雲山深處有畫圖添箇雲山画圖招不撥棹任

渠流、入玻璃影裡頭玻璃影裡透珠玉千斛萬斛
 誰能收倦時眠醉時舞漁家自有神仙府睡時蝴蝶
 夢莊周舞處鷗鷺奏韶武自舉歸釣吟清江漢、烟
 沉、雲藏萬壑暗水尾風吹孤月搖天心翠微父翠
 微父和我行歌進南浦画橋流水抹晴烟殘照暮霞
 收宿雨水連天、似水一簑活計誰能比楓葉飄霜
 鱸膾香揚花飛雪河魼美也不奈姜太公百年將至
 方非熊會頃年少遇真主恢我諸夏車書同也不學
 嚴子陵雲臺不為魁殊勛中興只作釣臺侶胸中百
 萬知無兵我網不似漢、縱何太疎也曾漏却吞舟

魚何當周密如樞机直欲纖悉皆無遺我釣不似呂
呂釣何太直除却文王有誰識爭如猛曲一彎腰牽
取星珠并月璧魚膠寒透蒿剔蟹螯刺指和笔烹屠
龍飪鼎口不美斫鯨斫炙腸聊撐

記
替

零音
鼓

零音
鼓

藝文

2

虚

堂

漸

磨

生

寒

風

寒

風

倬

我

夢

裸

去飛鵬直上蓬萊宮蓬萊宮殿女如玉霓裳羽扇環
簾櫳月娥而我宴珠翠玳筵間列花叢、酒酣萬象
羅心胸舉盃話別殊忽、青鸞命駕下空闊一聲瑞
珮鳴丁東被衣起坐周四顧庭戶悄、無人蹤銀河

萬里倒澄碧冰鑑半輪斜倚空橫江孤雀一聲唳喚
起鄉心千萬重

梅 楚東通中
次壁間韻

哀蘭枯荷了秋色幾向寒梢問消息溪橋交馬新腸
時翠袖佳人日暮歸玉面亭、漢宮樣一見風流慰
心賞寒標孤絕太無情誰為移春工玉京月華淒切
霜華白夜半飄香度簾額寄声橫笛且休吹愁殺江
南未歸客

山水吟

閩之山峨峨可以接穹蒼閩士孕其秀胸次尤難量

閨之水涵、可以燭妍醜。閨士生其間，其美不容口。
君不見周家社稷生甫申，崧岳當年曾降神。又不見
千里秀氣鍾三蘗，眉山草木皆焦枯。我生恨不由河
洛，虛負三光并五岳。地靈人傑推江東，人物風流兼
磊落。顧此閨之東，自古多英雄。求其為絕稱獨一忠
穆公，今已即世後。世誰可擬，惟有唐仲通一人而
已耳。仲通何如人，景星與鳳凰。不降亦不深，山高乎
水長。

浴

十月暇日醉于生春閣暄搯
出浴覆衣得詩筆以記

龍藩地暖冬無雪，十月風光似三月。好風不動綺羅